

# Nicolo

Karin Anderhalden

Refr. F C C F

B b F F C F

Vers B b m Fm C7 Fm

B b m Fm C Fm

Refr.

Ich bi dä chliinschi Gloon  
Im grossä Zirkuszält  
Ich hässä Nicolo, juhee  
Das hiä isch mini Wält

Ich hät so gärn ä Frind  
Wiä jedes andri Chind  
Zum schpilä, lachä, luschtig si  
Äs chliises Esäli

Miis Liäbschtä uf dr Wäld  
Das choschtet so vill Gäld  
Mi Papa isch nid riich, ojuh  
Das muäs ich läider gseh

Ich cha ja mal probiärä  
Go singä und schongliärä  
S'brucht nur äs bitzli Chraft und Muät  
Und scho chund Gäld i Huät

Da isch ja gar käi Gäld dri  
Das sind ja numä Zältli  
Isch das wirklich dr äinzig Lohn  
Firnä chliinä armä Gloon

Doch pletzlich rumpedibum  
Da fliigich äifach um  
Äs Esäli stahd hinder miär  
Äs chliises härzigs Tiär

Jetzt bini nimm äläi  
Näi, näi miär sind jetz zwäi  
Ich hanä Frind äs Esäli  
Wo will bi miär sii

